

## ﴿ حفظ صحت عمومی ﴾

صل ساریه دن پرینک اورتی لئی استیلا ایدوب صحت عمومی بی اخلال و افساد ایلدیکی زمانده اهلینک تحفظی خصوصنده دقت کوسترمه سنی و اطباتک اوامریه لایق وجه ایله اطاعت ایتمه سنی نظر اعتنایه آلان سرای بوسنه مجلس علما ریاستی طرفندن بوسنه هر سکنده عموم نیات محکمه لایله ائمه و خطبایه آئیده کی بیاناتی نشر و ارسال ایلشدیر :

..... قضای نایب وائمه و خطبای جانبرینه

عرض و بیانه حاجت اولدینی اوزره مع هر سکن بوسنه ولایتک بعض قضا لرنده چیچک خسته لئی ظهور ایدوب اطفالده پک چوق و فیات وقوعبولدینی و معاذ الله تعالی بعضرینک کوزلرینه سرایت ایدورک اعمی قالمسینه باعث اولدینی و خسته لق مذ کورک اندفاعی و اهلینک محافظه محته طرف حکومتدن تشبث اولدینی حالده بعض یرلرده اهلینک عدم موافقت و اظهار منافرتله حکومت و اهالی بیننده برودنی موجب اولدینی کمال تاسفله ایشیدلمسکده بولنشدر . حالبوکه سالف الذکر چیچک خسته لئی طباً بامر الله جرب و جذام کبی علت ساریه دن معدود اولوب بوندن ۳۵۰ سنه مقدم اولان مالک اسلامیه ده آشلامه وجهله مداواته تشبث اولتهرق بویولدن پک کسنه لر بامراه علت مزبورده دن قورتولدینی تحقق ایتدیکنندن اشبو مداواة مؤخرآ آوروپاچه اشتهار بولوب دائماً و مستمراً بوکا دوام اولنه کلکده ایدوکنندن یوزبیکلر نفوسی جامع اولان شهرلرده شوقدر سنه لر دنیرو علت مبحونه دن کسنه وفات ایدمه مدیکی موقع نبوته واصل اولمش و بوندن صرف نظر برملیون نفوسی بولنان شهرلرده چیچک یوزلو بر شخص کورمک محال قیلندن ایدوکی مشاهده ایله معلوم اولدینی کبی یکریمی سنه دنیرو سرایده آشلامه سنه میاشرت اولنه لی برو بالدفعات تجربه سیله منفعت و تأثیری علم یقین درجه سنه وارمشدر . و محافظه صحت ایسه ده هر فردده فرض عین اولدینی جهتله چیچک آشلامه سی عادتاً قصد و حجامت و شرب مسهل

کبی بر معالجه و عقلا و عادتاً الزم و بونک متع و نهینه کتب فقهیه ده و شریعت محمدیه ده بر صراحت اولدینی اسباب موهمه دن اولسه بیله مادامکه دیانه بر مضرتی مثبت اولیوب و جانب حکومتدن اهلینک حفظ صحت و علت مذ کوره نک اسباب مندفه سنه بونجه تکلفات ایله سی و صرف همت ایدلمسکده اولدینی حالده بوکافارشو تشکره مسارعت لازم کلور ایکن بالعکس عدم موافقتله نفرت اظهاری حقیقه آسف و استغرابی مستوجب و بالخاصه حکومت اهالی علیه حامل وداعی و قتنه یه باعث اوله جنی مقرر اولوب و بوا یسه اصلاً و قطعاً غیر جائز و شرعاً ممنوع اولان موادندیر . از جمله علم فقه ادیان ایچون و علم طب ابدان ایچون اولدینی جای افکار دکلدیر . و حکومت ایسه مجرد عمومک حفظ صحتی ضمانتده مصارف کلیه اختیار ایدورک ولایتزده پک چوق یرلرده هکیملر تعیین ایتمش و ایتسکده در . هر بر پدر و مادر و یا خانه مدیری اولان ذات دخی اون یاشندن آشانی اولان اطفالنی هکیمه ارئه و آشلامه اصولنی اجرا ایدورک اطفالنک علت مذ کوره دن قورتارمغه مع التشکر مسارعت و موافقت ایتسی لابد و لازم اولدینندن و میتک دفته مسارعت ذاتاً جائز و مستنون ایدوکنندن علت مذ کوره دن وقوعه کلن و فیاتک ممکن مرتبه تسریع دفته غیرت ایدلمسی و وبا کبی اولان علتک واقع اولدینی محله دخیولدن و یا بولنان محلدن خروجدن نهی پیغمبری صادر اولدینی محققدر . و بورالری هکیملرک دخی تحت تصدیق لرنده اولوب حکومتک آرزوسی بو مرکزده اولفله چیچک خسته لئی بولنان خانه و سائرده اطفالک ممکن مرتبه اختلاطدن و قایم سیله بویایده و مواد سائرده حکومتی اهالی علیه داعی حالاتدن بالاجتناب حسن تلقی ایدلمسی و بالخاصه چیچک آشلامه سنه مسارعتله اوامر حکومتک انفاذی و هر کیمک خانه سنده ظهور ایدرایسه بالذات و یا مختارلر واسطه سیله محل حکومتنه معلومات اعطاسی لازمکله چکنک اوورده بولنان خواجکان وائمه و مختاران واسطه لریله قضا کزده بولنان اهالی مسلمیه کوزلجه تفهیم و تبلیغ و نصایح دائمه نک ایفا سننده دریغ همت ایدلماسی مقتضای شیعه حیت و انسانیتدن بولوندینندن بعدما سی و غیرت پیهلری انتظار و مأمول اولنور . و بوکبی اسبابه نشبندن منافرت مسائل فقهیه نه تمامیه و قوفینی اولیان